

Lanusei-Tortolì 2 a 1



A pustis de 14 resurtaus positivus de fila 'e pari, si firmat sa cursa de su Tortolì: sàbadu 15 de freàrgiu, in su comunali de Lìxius, is tortoliesu ant pèrdiu su derby contras su Lanusèi.

Partia blocada e decìdia de una pariga de episòdius, comenti costumatu a capitai in is garas importantis che a custa. In su primu tempus dòminant is meris de domu, cun su Lanusèi chi marcant gol gràtzias a su svilupu de unu tiru de s'àngulu, poi raddòpiat cun carci de rigori.

In su segundu tempus si faint bìri is òminis de Mereu chi faint gol, sempri gràtzias a unu tiru de s'àngulu, cun Marcich, ma s'atzioni sighenti non portat a su parègiu meritau.

Mancant a s'acabbu de su campionau ancora 10 giornadas, e est importanti torrai a sighiri s'andala de risurtaus bonus.

Fortza Tortolì!